


大字
十四
經

全
卷



新刊十四經絡發揮序

十四經絡，發揮者，發揮十四經絡也。經絡，在人身。手三陰三陽足三陰三陽，凡十有二，而云十四者，併任督二脈言也。任督二脈何以併言？任脈直行於腹，督脈直行於背，爲腹背中行諸穴所系也。手太陰肺經左右各十一穴，足太陰脾經左右各二十一下穴，手陽明大腸經左右各二十穴，足陽明胃經左右各四十五穴，手少陰心經左右各九穴，足少陰腎經左右各二十七穴，手太陽小腸經左右各十九穴，足太陽膀胱經

左右各六十三穴手厥陰心包經左右各九穴
足厥陰肝經左右各十三穴手少陽三焦經左
右各二十三穴足少陽膽經左右各四十三穴
兼以任脈中行二十四穴督脈中行二十七穴
而人身周矣醫者明此可以鍼可以灸可以湯
液投之所向無不取驗後世醫道不明古先聖
王救世之術多廢不講鍼灸湯液之法或歧爲
二或參爲三其又最下則鍼行者百一灸行者
什二湯液行者什九而千萬抑何多寡之相懸
耶或者以鍼誤立效灸次之而湯液猶可稍緩

乎是故業彼者多業此者寡也噫果若是亦淺矣哉其用心也夫醫之治病猶人之治水水行于天地猶血氣行于人身也溝渠畎澗河泖川瀆皆其流注交際之處或壅焉或塞焉或溢焉皆足以害治而成病苟不明其嚮道而欲治之其不至於泛濫妄行者否也醫之治病一下迎一隨一下補一下漏一下汗一下宣一下導凡所以取其和平者亦若是耳而可置經絡於不講乎滑伯仁氏有憂之故爲之圖爲之註爲之歌以發揮之周悉詳盡曲暢旁通後之醫者可披卷而得

焉伯仁氏之用心亦深矣哉後伯仁氏而興者
有薛良武氏焉良武氏潛心講究其所自得亦
已多矣乃復校正是書而刊諸梓欲以廣其傳
焉推是心也卽伯仁氏之心也良武名鎧爲吳
之長洲人有子曰已者今以醫判南京大醫事
尤以外科名而外科者恃其一也君子謂其能
振家業云

嘉靖戊子冬閏十月望日前進士姑蘇西閭盛
應陽斯顯書于金陵官寓

十四經發揮序

人具九臟之形而氣血之運必有以疏載之其流注則曰歷曰循曰經曰至曰抵其交際則曰會曰過曰行曰達者蓋有所謂十二經焉十二經者左右手足各備陰陽者三陰右而陽左也陽順布而陰逆施也以三陽言之則太陽少陽陽明陽既有太少矣而又又有陽明者何取兩陽合明之義也以三陰言之則太陰少陰厥陰既有一太少矣而又有厥陰者何取兩陰交盡之義也非徒經之有十二也而又有所謂孫絡者焉孫絡之數三百六十有五所以附經而行周流而不息也至若陰陽維蹻衝帶六脉固皆有所繫

屬而唯督任二經則苞乎腹背而有專穴諸經滿而溢者此則受之初不可謂非常經而忽略焉法宜與諸經並論通考其隧道六百五十有七者而施治功則醫之神祕盡矣蓋古之聖人契乎至靈洞視無隱故能審系脉之真原虛實之變建名立號使人識而治之雖後世屢至抉膜導蓬驗幽索隱卒不能越其範圍聖功之不再壹至是乎由此而觀學醫道者不可不明乎經絡經絡不明而欲治夫疢疾猶習射而不操弓矢其不能也決矣濂之友滑君深有所見於此以內經骨空諸論及靈樞本輸篇所述經脈辨旨簡嚴讀者未易卽解於是訓其字義釋其名物疏其

本旨正其句讀釐爲三卷名曰十四經發揮復憲謹
穴之名難於記憶聯成韻語附於各經之後其有功
於斯世也不亦遠哉世之著醫書者日新月盛非不
繁且多也漢之時僅七家耳唐則增爲六十四至宋
遂至一百七十又九其發明方藥豈無其人純以內
經爲本而弗之雜者抑何其鮮也若金之張元素劉
完素張從正李杲四家其立言垂範殆或庶幾者乎
今吾滑君起而繼之凡四家微辭秘旨靡不貫通發揮
之作用必將與其畫並傳無疑也嗚呼橐籥一一身之
氣機以補以渦以成十全之功者其唯針砭之法乎
若不明於諸經而誤施之則不假鋒刃而戕賊人矣

可不懼哉縱諉曰九針之法傳之者蓋鮮苟以湯液
言之亦必明於何經中邪然後注何劑而治之奈何
粗士絕弗之講也滑君此書豈非醫塗之輿梁也歟
濂故特爲序之以傳非深知滑君者未必不以其言
爲過情也滑君名壽字伯仁許昌人自號爲櫻寧生
博通經史諸家言爲文辭溫雅有法而尤深於醫江
南諸醫未能或之先也所著又有素問鈔難經本義
行于世難經本義雲林危先生素嘗爲之序云翰林
學士亞中大夫知制誥兼脩國史金華宋濂謹序

十四 經發揮序

觀文於天者非宿度無以稽七政之行察理於地者
非經水無以別九闕之城矧夫人身而不明經脉又
烏知榮衛之所統哉此內經靈樞之所由作也竊嘗
攷之人爲天地之心三才蓋一氣也經脉十二以應
經水孫絡三百六十有五應周夫之度氣穴稱是
以應周期之日宜乎榮氣之榮於人身晝夜環周軼
天旋之度四十有九或謂衛氣不循其經始以晝行
諸陽夜行諸陰之異未始相從而亦未嘗相離也夫
日星雖殊所以麗乎天者皆陽輝之昭著也河海雖
殊所以行乎地中者寔一水之流行也經絡雖交相

貫屬所以周於人身者一榮氣也噫七政失度則災
眚見焉經水失道則溼潦作焉經脉失常則所生是
動之疾繇是而成焉以故用鍼石者必明俞穴審鬪
闔因以虛實以補瀉之此經脉本輪之旨尤當究心
靈樞世無註本學者病焉許昌滑君伯仁父嘗著古
四經發揮專疏手足三陰三陽及任督也觀其圖章
訓釋綱舉目張足以爲學者出入嚮方寔醫門之司
南也旣成將鋟梓以傳徵余叙其所作之意余不敏
輒書三材一氣之說以歸之若別經絡筋骨度之屬
則此不暇備論也時至正甲辰中秋日四明呂復養
生主書于票騎山之樵舍

自序

人爲血氣之屬飲食起居節宣微爽不能無疾疾之感入或內
或外或小或大爲是動爲所以生病咸不出五臟六府手足陰
陽聖智者興思有以治之於是而入者於是而出之也上古治
病湯液醪醴爲甚少其有疾率取夫空穴經隧之所統繫視矣
邪之所中爲陰爲陽而灸刺之以驅去其所苦觀內經所載服
餌之法纔一二爲灸者四三其它則明鍼刺無慮十八九鍼之
功其大矣厥後方藥之說肆行鍼道遂寢不講灸法亦僅而獲
存鍼道微而經絡爲之不明經絡不明則不知邪之所在求法
之動中機會必捷如響亦難矣若昔軒轅氏岐伯氏斤斤問答
明經絡之始末相孔穴之分寸探幽摘邃布在方冊亦欲使天

下之爲治者視天下之疾有以究其七情六淫之所自及有以
察夫某爲某經之陷下也某爲某經之虛若實可補瀉也某爲
某經之壅裏可汗可下也鍼之灸之藥之餌之無施不可俾免
夫顙蹙呻吟抑已備矣遠古之書淵乎深哉於初學或未易也
乃以靈樞經本輸篇素問骨空等論裒而集之得經十二任督
脈云行腹背者二其隧道之周於身者亦百五十有七攷其陰
陽之所以往來推其骨空之所以駐會圖章訓釋綴以韻語釐
爲三卷目之曰十四經發揮庶幾乎發前人之萬一且以示初
學者於是而出入之嚮方也烏乎攷圖以窮其源因文以求其
義尚不戾前人之心後之君子察其勤而正其不逮是所望也

至正初元閏月六日許昌骨壽自序

十四經發揮

凡例

一十二經所列次第並以流注之序爲之先後附以任督二奇者以其有專穴也總之爲十四經云

一註者所以釋經也其訓釋之義凡有三焉訓掌一義也釋身體府藏名物二義也解經一義也其載穴法分寸則圈以別之各經既於本經詳註處所其有他經交會處但云見某經不必復贅

一經脉流注本經曰歷曰循曰至曰抵其交會者曰會曰過曰行其或經行之處既非本穴又非交會則不以字例統之一奇經八脉雖不若十二經之有常道亦非若諸絡脈之微妙

也任督二脉之直行者既已列之十四經其陰陽維蹻衝帶
六脉則別具編末以備參考

目錄

上卷

手足陰陽流注篇

附仰伏人尺寸圖

中卷

十四經脈氣所發篇


下卷

奇經八脈篇

仰人尺寸之圖



伏人尺寸之圖



十四經發揮卷上

許昌櫻寧生滑壽伯仁著
吳郡會仁薛鑑良武校刊

手足陰陽流注篇

凡人兩手足各有三陰脈三陽脈以合爲十二經也

三陰謂太陰少陰厥陰三陽謂陽明太陽少陽也人兩手足各有三陰脈三陽脈相合爲十二經也手三陰謂太陰肺經少陰心經厥陰心包經手三陽謂陽明太陽經太陽少陽三焦經足三陰謂太陰脾經少陰腎經厥陰肝經足三陽謂陽明胃經太陽膀胱經少陽膽經謂之經者以血氣流行經常不息者而言謂之脈者以血理分交行體者而言也手之三陰從藏走至手手之三陽從手走至頭足之三陽從頭下走至足足之三陰從足上走入腹

手三陰從藏走至手謂手太陰起中焦至出太指之端手少
陰起心中至出小指之端手厥陰起胃中至出中指之端手
三陽從手走至頭謂手陽明起太指次指之端至上挾鼻孔
手太陽起小指之端至目內眥手少陽起小指次指之端至
目銳背足三陽從頭走至足謂足陽明起於鼻至入中指內
間足太陽起目內眥至小指外側端足少陽起目銳背至入
小指次指間足三陰從足走入腹謂足太陰起太指之端至
屬脾絡胃足少陰起足心至屬腎絡膀胱足厥陰起大指聚
毛至屬肝絡膽足三陰雜白從足入腹然太陰乃復上膈挾
咽散舌下少陰乃復從腎上挾舌本厥陰乃腹上出額與督
脈會于顛兼手太陰從肺系橫出腋下手少陰從心系上肺

出腋下手厥陰循臂出脇上抵腋下此又秦越人所謂諸陰
脉皆至頸膚而還者也而厥陰則又上出於顛蓋厥陰陰之
盡也所以然者示陰無可盡之理亦猶易之碩果不食示陽
無可盡之義也然易之陰陽以氣言人身之陰陽以藏象言
氣則無形而藏象有質氣陽而質陰也然則無形者貴乎陽
有質者貴乎陰歟

絡脈傳注周流不息

絡脈者本經之旁支而別出以聯絡於十二經者也本經之
脈由絡脈而交他經他經之交亦由是焉傳注周流無有停
息也夫十二經之有絡脈猶江漢之有沱潛也絡脈之傳注
於他經猶沱潛之旁導於他水也是以手太陰之支者從腕

後出次指端而交於手陽明手陽明之支者從缺盆上挾口
鼻而交於足陽明足陽明之支者別跗上出太指端而交於
足太陰足太陰之支者從胃別上膈注心中而交於手少陰
手少陰則直自本經少衝穴而交於手太陽不假支授蓋君
者出令者也手太陽之支者別頰上至目內眞而交於足太
陽足太陽之支者從肺內左右別下合胸中下至小指外側
端而交於足少陰足少陰之支者從肺出注胷中而交於手
厥陰手厥陰之支者從掌中循小指次指出其端而交於手
少陽手少陽之支者從耳後出至目鏡骨而交於足少陽足
少陽之支者從跗上入太指爪甲出三毛而交於足厥陰足
厥陰之支者從肝別貫膈上注肺而交於手太陰也

故經脈者行血氣通陰陽以榮於身者也

通結上文以起下文之義經脈之流行不息者所以運行血氣流通陰陽以榮養於人身者也不言絡脈者舉經以該之其始從中焦注手太陰陽明陽明注足陽明太陰太陰注手少陰太陽太陽注足太陽少陰少陰注手心主少陽少陽注足少陽厥陰厥陰復還注手太陰而復始也

始於中焦注手太陰終於注足厥陰是經脈之行一周身也其氣常以平旦爲紀右以漏水下百刻晝夜流行與天同度終而復始也

氣營氣紀統紀也承上文言經脈之行其始則起自中焦其氣則常以平旦爲紀也營氣常以平旦之寅時爲紀由中焦

而始注手太陰以次流行也。不言血者氣行，則血行可知。漏水下百刻晝夜流行與天同度者言。一晝夜漏下百刻之內，人身之經脉流行無有窮止，與天同一運行也。蓋天以三百六十五度四分度之一爲一周天而終。一晝夜人之榮衛則以五十度周於身氣行。一萬三千五百息脈行八百一十丈而終。一晝夜適當明日之寅時而復會于手太陰。是與天同度終而復始也。或云晝夜漏刻有長短，其營氣盈縮當何如然。漏刻雖有短長之殊，而五十度周身者均在其中，不因漏刻而有盈縮也。

右本篇正文與金闡循經同。

十四經發揮卷中 十四經脉氣所發篇

手太陰肺經之圖



手太陰肺經穴歌

手太陰肺十一穴中府雲門天府列挾白尺澤孔最存列缺
經渠太淵涉魚際少商如韭葉

手太陰肺之經

凡十一穴左右共二十穴○是經多氣少血

肺之爲藏六葉兩耳四垂如蓋附著於脊之第三椎中有二十四空行列分布諸藏清濁之氣爲五藏華蓋云

手太陰之脉起於中焦下絡大腸還循胃口上膈屬肺

起發也絡繞也還復也循巡也又依也治也屬會也中焦者

在胃中脘當臍上四寸之分大腸註見本經胃口胃上下口

也胃上口在臍上五寸上脘穴下口在臍上一寸下脘穴之

分也膈者隔也凡人心下有膈膜與脊脇周圍相着所以遮隔

濁氣不使上薰於心肺也乎太陰起於中焦受足厥陰之交也由是猶任脉之外足少陰經脈之裏以次下行當臍上一寸水分穴之分繞絡太膀胱手太陰陽明相爲表裏也乃復行本經之外上循胃口遷迤上膈而屬會於肺榮氣有所歸於本臟也

從肺系橫出腋下下循膈內行少陰心主之前下肘中

肺系謂喉嚨也喉以候氣下接於肺肩下脇上際曰腋轉下

對腋處爲臑肩肘之間也臑盡處爲肘肘臂節也自肺臟循

肺系出而橫行循背部第四行之中府雲門以出腋下下循

臑內歷天府俠白行手少陰手心主之前下入肘中抵尺澤

穴也蓋手少陰循臑臂出手小指之端手心主循臑臂出中

指之端乎太陰則行乎二經之前也○中府穴在雲門下

寸乳上三肋間動脈應掌隔中雲門在巨骨下俠氣戶傍二寸
陷中動脈應掌舉臂取之天府在腋下三寸膚內廉動脈中俠
白在天府下去肘五寸動脈中尺澤在肘中納文上動脈中
循臂內上膚下廉入寸口上魚徇魚際出大指之端

肘以下爲臂廉悶也邊也手掌後高骨傍動脈爲關關前動脈
爲寸口曰魚曰魚際云者謂掌骨之前大指本節之後其肥肉
隆起處統謂之魚魚際則其間之穴名也既下肘中乃循臂內上
骨之下廉歷孔最列缺入寸口之經渠太淵以上魚徇魚際出
大指之端至少商穴而終也端杪也○孔最穴去腕上七寸列
缺去腕側上一寸五分以手交叉頭指當作食指末筋骨罅中絡穴
也經渠在寸口陷中太淵在掌後隔中魚際在大指本節後內

側散脉中少商在大指端內側去爪甲如韭葉白肉內宛宛中其支者從腕後直出次指內廉出其端

臂骨盡處爲腕脉之太痏爲經交經者爲絡本經終於出大指之端矣此則從腕後列缺穴達次指內廉出其端而交於手陽明也

是動則病肺腫滿膨脹而喘欬缺盆中痛甚則交兩手而督此爲臂厥是主肺所生病者咳嗽上氣喘喝煩心胷滿脹臂內前廉痛掌中熱氣盛有餘則肩背痛風寒寒字
凝衍汗

出中風小便數而久虛則肩背痛寒少氣不足以息濁色變卒遺失無度盛者寸口大三倍於人迎虛者寸口反小

於人迎也

手陽明大腸經之圖

手陽



手陽明大腸經穴歌

手陽明穴起商陽二間三間合谷藏，陽谿偏歷歷，溫溜下廉上廉三里長，曲池肘髎迎五里，臂膩肩髃巨骨當天鼎扶突，禾髎接終以迎香二十穴。

手陽明大腸之經

凡二十六穴左右共四十穴。○是經氣血俱多

太腸長二丈一尺廣四寸當臍右廻十六曲

手陽明之脈起於大指次指之端循指上廉出合谷兩脣之間上入兩筋之中

大指次指太指之次指謂食指也手陽明大腸經也凡經脉之道陰脉行手足之裏陽脉行手足之表此經起於大指次指之端商陽穴受手太陰之交行於陽之分也由是循指上廉歷

二間三間以出合谷兩骨之間復上入陽谿兩筋之中○商陽
在手大指次指內側去爪甲角如韭葉三間在手大指次指本
節前內側陷中三間在手大指次指本節後內側陷中合谷
在手大指次指歧骨間陷中陽谿在腕中上側兩筋間陷中
循臂上廉入肘外廉循臑外前廉上肩

自陽谿而上循臂上廉之偏歷溫溜下廉上廉三重入肘外
廉之曲池循臑外前廉歷肘髎五里臂臑絡臑會上肩至肩
髃穴也○偏歷在腕中後三寸溫溜在腕後小土六寸大土
五寸下廉在輔骨下去上廉一寸上廉在三里下一寸三重
在曲池下二寸按之肉起曲池在肘外輔骨屈肘曲骨之中
以手拱胷取之肘髎在肘大骨外廉陷中五里在肘上三寸

行向裏大脉中央臂膕在肘上七十脢會見手少陽經手陽明之絡也肩髃在肩端兩骨間陷者宛宛中舉臂有空出髃骨之前廉上出柱骨之會上

肩端兩骨間爲髃骨肩胛上際會處爲天柱骨出髃骨前廉循巨骨穴上出柱骨之會上會於大椎○巨骨穴在肩端上行兩叉骨間陷中大椎見督脈手足三陽督脈之會

下入缺盆絡肺下膈屬太腸

自大椎而下入缺盆循足陽明經脈外絡繞肺臟復下膈當天樞之分會屬於大腸○缺盆天樞見足陽明經

其支別者從缺盆上頸貫頰入下齒縫中


頭莖爲頸耳以下曲處爲頰口前小者爲齒其支別者自缺

盆上行於頸循天鼎扶突上貫於頰入下齒縫中○天鼎在
頸缺盆直扶突後一寸扶突在氣舍後一寸五分仰而取之
又云在人迎後一寸五分

還出挾口交人中左之左右之左上挾鼻孔

口啓上鼻柱下爲人中既入齒縫復出來兩口吻相交於人
中之分左脉之右右脉之左上挾鼻孔循禾髎迎香而終以
交於足陽明也○人中穴見督脈爲手陽明督脈之會禾髎
在鼻孔下挾水溝旁五分迎香在禾髎上一寸鼻孔旁五分
是動則病齒痛頤腫是主津液所生病者目黃口乾鼽衄喉痺
肩前臑痛太指次指痛不用氣有餘則當脉所過者熱腫虛則
寒慄不復盛者人迎大三倍於寸口虛者人迎反小於寸口也

足陽明胃經之圖



十四經歌

足陽明胃經穴歌

四十五穴足陽明承泣，四白巨髎，經地倉太迎，頰車峙下關，頭維人迎對水突氣舍連，缺盆氣戶庫房屋翳屯膺窓，乳中延乳根不容承蒲深門起，關門太乙滑肉門天樞外陵太巨存水道歸來氣衝次脾關伏兔走陰市，梁丘竇鼻足三里上巨虛連條口位下巨虛與及豐隆解谿衝陽陷谷中內庭厲究經穴終。

足陽明胃之經

凡四十五穴左右共九
十穴○是經氣血俱多

胃大一尺五寸糺曲屈伸長二尺六寸

足陽明之脈起於鼻交頸中旁約太陽之脈下循鼻外入上齒中還出挾口環唇下交承泣

頬鼻莖也。鼻山根爲頬足陽明起於鼻兩旁。迎香穴由是而上左右相交於頬中過睛明之分下循鼻外歷承泣四白巨髎入上齒中復出循地倉挾兩口吻環繞唇下左右相交於承漿之分也。○迎香手陽明經穴睛明足太陽經穴手足太陽少陽足陽明五脈之會承泣在目下七分直瞳子四白在目下一寸直瞳子巨髎在鼻孔旁八分直瞳子地倉挾口吻旁四分承漿見任脉足陽明任脈之會

却循頤後下廉出大迎循頬車上耳前過客主人循髮際至額顴

腮下爲額領中爲頤顴前爲髮際髮際前爲額顴自承漿卻循頤後下廉出大迎循頬車上耳前歷下關過客主人循髮

際行懸釐頤厭之分經頭維會於額顱之神庭○太迎在曲
領前一寸三分骨陷中動脈頰車在耳下曲頰端陷中下關
在客主人下耳前動脈下廉合口有空開口則閉客主人懸
釐頤厭二穴並足少陽經皆手足少陽陽明之交會頭維在
額角髮際本神旁一寸五分神庭旁四寸五分神庭穴見督
脈足太陽陽明督脈之會

其支別者從太迎前下入迎循喉嚨入缺盆下膈屬胃絡脾
胷兩旁高處爲膺膺上橫骨爲巨骨巨骨上陷中爲缺盆其
支別者從太迎前下入迎循喉嚨歷水突氣舍入缺盆行足
少陰前府之外下膈當上腕中腕之分屬胃絡脾○人迎在
頸大脈動應手挾結喉旁一寸五分水突在頸大筋前直入

迎下氣舍上氣舍在頸直人迎下挾天突陷中缺盆在肩下橫骨陷中俞府見足少陰經上腕見任脈足陽明手太陽任脈之會中腕見任脈手太陽少陽足陽明所生任脈之會其直行者從缺盆下乳內廉下挾脅入氣衝中

直行者從缺盆而下下乳內廉循氣戶庫房屋翳膺怒乳中乳根不容承滿梁門關門太乙滑肉門下挾脅歷天樞外陵太巨水道歸來諸穴而入氣衝中也○氣戶在巨骨下俞府旁二寸陷中庫房在氣戶下一寸六分陷中仰而取之屋翳在庫房下一寸六分陷中仰而取之膺窓在屋翳下一寸六分陷中乳中穴當乳是乳根穴在乳下一寸六分陷中仰而取之不容在幽門旁相去各一寸五寸承滿在不容下一寸

梁門，在承滿下一寸。關門，在梁門下一寸。太乙，在關門下一寸。滑肉門，在太乙下寸。下挾脣，天樞，在挾脣二寸。外陵，在天樞下寸。大巨，在外陵下一寸。水道，在太巨下三寸。歸來，在水道下二寸。氣衝，一名氣街，在歸來下鼠鼷上一寸。動脈應手，宛宛中，自氣戶至乳根。去中行各四寸。自不容至滑肉門。去中行各二寸。

三寸自天樞至歸來

去中行各二寸

其支者起胃下口循腸裏下至氣衝中而合

胃下口下腕之分難經云太倉下口爲幽門者是也自屬胃處起胃下口循腹裏過足少陰肓俞之外本經之裏下至氣

衝中與前之入氣衝者合

以下脾關抵伏兔下入膝臍中下循脣外廉下足跗入中

指外間

抵至也股外爲髀，髀前膝上起肉處爲伏兔。伏兔後交文爲
髀關，挾膝解中爲膕，脛骨爲筋，跗足面也。既相合氣衝中乃
下，髀關抵伏兔歷陰市梁止下入膝膕中經犢鼻下循筋外
廉之三里巨虛上廉條口巨虛下廉豐隆解谿下足跗之衝
陽陷谷入中指外間之內庭至厲兑而終也。○髀關在膝上
伏兔後交文中一作交分伏兔在膝上六寸起肉正跪坐而取之
一云膝蓋上七寸陰市在膝上三寸伏兔下陷中拜而取之
梁丘在膝上二寸兩筋間犢鼻在膝蹻下筋骨上骨解太筋
中三里在膝眼下三寸筋骨外太筋內宛宛中舉足取之極
重按之則跗上動脈止矣巨虛上廉在三里下三寸舉足取

之條口在下廉上一寸舉足取之巨虛下廉在上廉下三寸
舉足取之豐隆在外踝上八寸下斷外廉陷中別走太陰解
谿在衝陽後一寸五分腕上陷中衝陽在足跗上五寸骨
間動脈去陷谷三寸陷谷在足大指次指間本節後陷中
內庭在足大指次指外間陷中鶴允在足大指次指去爪
甲如韭葉

其支者下膝三寸而別以下入中指外間

此支自膝下三寸循三里穴之外別行而下入中指外間與
前之內庭屬兌合也

其支者別跗上入大指間出其端

此支自跗上衝陽穴別行入大指間斜出足厥陰行間穴之

外循太指下出其端以交於足太陰

是動則病灑灑然振寒善伸數欠顏黑病至則惡人與火聞木音則惕然而驚心欲動獨閉戶牖而處甚則欲上高而歌棄衣而走竄嚮腹脹是爲肝厥是主血所生病者狂瘲溫瘡汗出鼽衄口喎唇脣頸腫喉痺太腹水腫膝臍腫痛循膺乳氣衝股伏兔筋外廉足跗上皆痛中指不用氣盛則身以前皆熱其有餘於胃則消穀善飢渴色黃氣不足則身以前皆寒慄胃中寒則脹滿盛者入迎大三倍於寸口虛者入迎反小於寸口也

足太陰脾經之圖



足太陰脾經穴歌

二十一穴太陰脾隱白大都太白隨公孫商丘三陰交漏谷
地機陰陵切血海箕門衝門開府舍腹結太橫排腹哀食寧
連天谿胃鄉周榮太包隨

足太陰脾之經

凡二十一穴左右共四十
二十一穴○是經多氣少血

脾廣三寸長五寸掩乎太倉附著於脊之第十一椎

足太陰之脈起於太指之端循指內側白肉際過覈骨後上內

踝前廉

覈骨一作核骨俗云孤楞骨是足跟後兩旁起骨爲踝骨

足太陰起太指之端隱白穴受足陽明之交也由是循太指

內側白肉際太都穴過核骨後歷太白公孫商丘上內踝前

廉之三陰爻也○隱白在足太指內側端去爪甲角如韭葉
太都在足太指本節後陷中太白在足內側核骨下陷中公
孫在足太指本節後一寸別走陽明商丘在足內踝下微前
陷中三陰爻在內踝上三寸骨下陷中

上腨內循筋骨後交出厥陰之前

腨腓腸也由三陰爻上腨內循筋骨後之漏谷上行二寸交出
足厥陰經之前至地機陰陵泉○漏谷在內踝上二寸骨下陷中
地機在膝下五寸陰陵泉在膝下內側輔骨下陷中伸足取之
上循膝股內前廉入腹屬脾絡胃

脾內爲股脣上下爲腹自陰陵泉上循膝股內前廉之血海箕
門迤邐入腹經衝門府合會中極關元復循腹結太橫會下腕

歷腹哀過日月期門之分循本經之裏下至中脘下脘之際以屬
脾絡胃也○血海在膝頤上內廉白肉際二寸中箕門在魚腹上
越筋間陰股內動脈中衝門上去大橫五寸在府舍下橫骨端
約中動脈府舍在腹結下三寸中極關元並見任脉皆足三陰任
脉之會腹結在太橫下一寸三分大橫在腹哀下三寸五分直膺
旁下院見任脉足太陰任脉之會腹哀在日月下一寸五分日月
見足少陽經足太陰少陽陽維之會期門見足厥陰經足太陰
厥陰陰維之會也衝門府舍腹結大橫腹哀去腹中行各四寸半
上膈挾咽連舌本散百下

咽所以嚥物者居喉之前至曾長一尺六寸爲胃系也舌本舌根
也由腹哀上膈循食竇天谿胃鄉周榮由周榮外曲折向上至太

包又自太包外曲折向上會中府上行行人迎之裏挾兩連舌本
散竅下而終焉○食竇在天谿下一寸六分舉臂取之天谿在會
鄉下一寸六分仰而取之會鄉在周榮穴下一寸六分陷中仰而
取之周榮在中府下一寸六分陷中仰而取之太包在淵腋下三寸
淵腋見足少陽 中府見手太陰經足大陰之會也人迎見足陽明經
其支別者復從胃別上膈注心中

此支由腹哀別行再從胃部中脘穴之外上膈注於膻中之
裏心之分以交於手少陰○中脘膻中並任脉穴
是動則病舌本強食則嘔胃脘痛腹脹善噫得後與氣則
快然如衰身體皆重是主脾所生病者舌本痛體不能動
搖食不下燥心心下急痛寒瘞瘻瘍瘕泄水下黃疸不能卧

強立股膝，內瘡厭足太指不用。盛者寸口大三倍於人迎也。

虛者寸口反小於人迎也。

手少陰心經之圖



十四卷中
手少陰心經穴歌

九穴手少陰極泉青靈少海深靈道通里陰郄遂神門少府少衝尋

手少陰心之經

凡九穴左右共十八穴○是經多氣少血

心形如未敷蓮花居肺下膈上附著於脊之第五椎手少陰之脉起於心中出屬心系下膈絡小腸

心系有二一則上與肺相通而入肺兩大葉間一則由肺葉而下曲折向後並脊骨細絡相連貫脊髓與腎相通正當七節之間蓋五臟系皆通於心而心通五臟系也手少陰經起於心循任脈之外屬心系下膈當腋上二寸之分絡

小腸

其支者從心系上挾咽系目

支者從心系出任脉之外上行而挾咽系目也

其直者復從心系却上肺出腋下

直者復從心系直上至肺臟之分出循腋下抵極泉也穴在臂內腋下筋間動脈入脣

下循臑內後廉行太陰心主之後下肘內廉

自極泉下循臑內後廉行太陰心主兩經之後歷青靈穴下肘內廉抵少海○青靈在肘上三寸舉臂取之少海在肘內大骨外去肘端五分

循臂內後廉抵掌後兌骨之端入掌內廉循小指之內出其端

腕下踝爲兌骨自少海而下循臂內後廉歷靈道通里至掌後銳骨之端經陰郄神門入掌內廉至少府猶小指端之少衝而終以交於手太陽也心爲君主之官示尊於它藏故其交經授受不假於支別云○靈道在掌後一寸五分通里在腕後一寸陷中陰郄在掌後脉中去腕五分神門在掌後銳骨之端陷者中少府在手小指本節後陷中直勞宮少衝在手小指內廉端去爪甲如韭葉

是動則病溢乾心痛渴而欲飲是爲臂厥是主心所生病者目黃腸痛膿臂內後廉痛厥掌中熱痛盛者寸口大再倍於人迎虛者寸口反小於人迎也

手太陽小腸經之圖



手太陽小腸經穴歌

手太陽穴一十九少澤前谷後谿遇腕骨陽谷可養老束正
小海肩負走臑俞天宗及秉風曲垣肩外復肩中天窓天容
上顴髎却入耳中循聽宮

手太陽小腸之經

凡十九穴左布共三十
八穴○是經多血少氣

小腸長三丈二尺左回疊積十六曲胃之下口小腸上口
也在臍上二寸水穀於是入焉臍上一寸爲水分穴則小
腸下口也至是而泌別清濁水液入膀胱浮穀入大腸
手太陽之脉起於小指之端循手外側上腕出踝中

臂骨盡處爲腕腕下允骨爲踝本經起小指端少澤穴由是
循手外側之前谷後谿上腕出踝中歷腕骨陽谷養老穴也是
循手外側之前谷後谿上腕出踝中歷腕骨陽谷養老穴也

○少澤，在手小指外側，端去爪甲角一分陷中前谷，在手小指外側本節前陷中後谿，在手小指外側本節後陷中腕骨，在手外側腕前起骨下陷中陽谷，在手外側腕中兌骨下陷中養老，在手踝骨上一寸空在腕後一寸陷中。

直上循臂骨下廉出肘內側兩骨之間上循臑外後廉出肩解

繞肩胛交肩上

脊兩旁爲脅，脅上兩角爲肩解，肩解下成片骨爲肩胛

一名膊

自養老穴直上循臂骨下廉支正穴出肘內側兩骨之間歷小海穴上循臑外後廉行手陽明少陽之外上肩循肩貞臑俞天宗秉風曲垣肩外俞諸穴乃上會太椎因左右相交於兩肩之上○支正在腕後五寸小海在肘內大骨外

去肘端五分陷中肩貞在肩曲胛下兩骨解閒肩鶴後陷中
臑俞在挾肩髎手少陽穴後太骨下胛上廉陷中天宗在秉風後
太骨下陷中秉風在天髎外肩上小鶴後舉臂有空曲垣在
肩中央曲胛陷中按之應手痛肩外俞在肩胛上廉去脊三
寸陷中肩中俞在肩胛內廉去脊二寸陷中太椎見督脈手
足三陽督脈之會

入缺盆絡心循咽下膈抵胃屬小腸

自交肩上入缺盆循肩向腋下行當膻中之分絡心循胃系
下膈過上脘中脘抵胃下行任脉之外當膚上二寸之分屬
小腸膻中上脘中脘並見任脈會穴也

其支者別後缺盆循頸上頰至目銳齒却入耳中

目外角爲銳背支者別從缺盆循頸之天窓天容上頰抵顴
髎上至目銳背過瞳子髎却入耳中循聽宮而終也○天窓
在頸大筋前曲頰下扶突後動脈應手陷中天容在耳曲頰
後顴髎在面頤骨下廉充骨端陷中瞳子髎足少陽經穴聽
官在耳中珠子大如赤小豆

其支者別頰上頤抵鼻至目內眞

目下爲頤目太角爲內眞其支者別猶頰上頤抵鼻至目內
眞睛明穴以交於足太陽也睛明足太陽經穴

是動則病溢痛額腫不可回顧肩以援臑似折是主液所
生病者耳聾目黃頰腫頸頷肩臑肘臂外後廉痛盛者人
迎大再倍於寸口虛者人迎反小於寸口也

足太陽膀胱經之圖



足太陽膀胱經穴歌

足太陽六十三 晴明攢竹曲差參 五處承光上通夫絡都玉
枕天柱名 輒太杼風門引肺腑厥陰心肺禹腧注肝肺膽腧脾
腧全胃腧三焦腎腧中大腸小腸膀胱腧中膂白環兩腧輸
自從大杼至白環相去脊中三寸間上體次中復下髎會陽
承扶殷門亞浮名 委陽委中鍼名 脊內挾脊附分當 太陽行背
第三行魄戶膏肓與神堂諺語禹闢魂門旁陽網意舍仍胃
倉育門志室胞之肓二十椎下秩邊藏合臟以下合陽是承
筋承山居其次飛陽付陽泊崑崙僕參申脉連金門京骨束
骨交通谷小指外側至陰續

足太陽膀胱之經

凡六十三穴左右共一百二十一十六穴○是經多血少氣

膀胱重丸兩二銖縱廣九寸居腎下之前大腸之側當脅上一寸水分穴之處小腸下口乃膀胱上際也水液由是滲入焉足太陽之脈起於目內眞上額交顛上

目太角爲內眞，髮際前爲額，腦上爲顛，顛頂也。足太陽起目內眞，睛明穴上，額循攢竹過神庭，歷曲差五處承光通夫自通，夫斜行左右相交於顛上之百會也。○睛明，在目內眞，攢竹在眉頭陷中，神庭見督脉足太陽督脉之會也。曲差在神庭傍一寸五分，入髮際五處，挾上星傍一寸五分承光，在五處後一寸五分通夫，在承光後一寸五分百會見督脉足太陽督脉之交會也。

其支別者從顛至耳上角

支別者從顛之百會抵耳上竅過率谷浮白竅陰穴所以散養於經脈也率谷浮白竅陰三穴見足少陽經足太陽少陽之會也其直行者從顛入絡腦還出別下項

腦頭髓也頸上爲腦腦後爲項此直行者由通夫穴後循絡却玉枕入絡腦復出下項抵天柱也○絡却在通夫後一寸五分玉枕在絡却後一寸五分挾腦戶傍一寸三分枕骨上入髮際三寸腦戶督脈穴足太陽督脈之會天柱在頸大筋外廉挾項聚際陷中

循肩鵝內挾脊抵腰中入循膂絡腎屬膀胱

肩後之下爲肩鵝椎骨爲脊尻上橫骨爲腰挾脊爲膂自天柱而下過太椎陶道却循肩鵝內挾脊兩旁下行歷太杼風

門肺腧厥陰腧心胸膈腧肝膽腑脾腧胃腧三焦腧腎腧
大腸腧小腸腧膀胱腧中膂內腧白環腧由是抵腰中入循
膂筋胥下屬膀胱也。大椎見督脈手足三陽督脈之會陶
道見督脈足太陽督脈之會大杼在項後第一椎下風門在
第二椎下肺腧在第三椎下厥陰腧在第四椎下心腧在第
五椎下膈腧在第七椎下肝腧在第九椎下膽腧在第十椎
下正坐取之脾腧在第十一椎下胃腧在第十二椎下三焦
腧在第十三椎下腎腧在第十四椎下與臍平大腸腧在第
十六椎下小腸腧在第十八椎下膀胱腧在第十九椎下中
膂內腧在第二十椎下挾脊起肉白環腧在第二十一椎下
伏而取之自大杼至白環腧諸穴並背部第一行相云脊中

各一寸五分

其支別者從腰中下貫臂入腋中

臂尻也挾腰臍骨兩旁爲機機後爲臂腓腸上膝後曲處爲

腋其支別者從腰中循腰髀下挾脊歷上髎次髎中髎下髎

按腰腺即腰監骨人脊椎骨有二十一節自十六椎節而下爲腰監骨挾脊附著之處其十七至二十一凡四椎爲腰監骨所撫附而八竅穴則挾脊第一二空云云也會陽在尾髎骨兩旁則二十一椎乃復凭而終焉又按督脉當脊中起於長強在二十一椎下等而上之至第十六椎下爲陽關穴會陽其二十椎至十七椎皆無穴乃知爲腰監骨所撫明矣會陽

下貫臂至承扶殷門浮郄委陽入腋中之委中穴也○上髎

在第一空腰髀下一寸挾脊陷中次髎在第二空挾脊陷中

中髎在第三空挾脊陷中下髎在第四空挾脊陷中會陽在

尾髎骨兩旁承扶在尻臂下股陰上故中殷門在肉郄下六

寸浮部，在委陽上一寸，展膝得之。委陽，在承扶下六寸，展身取之。足太陽之後出於膕中外廉兩筋間。委中，在膕中央約文中動脈。

其支別者從膕內左右別下貫肺夾脊內過髀樞，
筋肉曰肺夾脊肉也。其支者爲挾脊兩旁第三行相去各三
寸之諸穴自天柱而下從膕內左右別行下貫肺脅歷附分
魄戶膏肓神堂諺譎膈關魂門陽綱意舍胃俞肓門志室胞
肓秩邊下歷尻臀過髀樞也。股外爲髀捷骨之下爲髀樞○
附分在第二椎下附項內廉魄戶在第三椎下膏肓在第四
椎下近五椎上取穴時令人正坐曲脊伸兩手以臂著膝前
令正直手大指與膝頭齊以物支股毋令臂動搖神堂在第

五椎下譴譙在肩髀內廉挾第六椎下膈關在第七椎下正坐闊肩取之魂門在第九椎下陽網在第十椎下意舍在第十一椎下胃倉在第十二椎下肩門在第十三椎下叉肋間志室在第十四椎下並正坐取之胞肓在第十九椎下秩邊在第二十椎下並伏而取之

循脾外後廉下合腋中以手貫膚內出外踝之後循京骨至小指外側端

腨脉腸也循脾外後廉脾樞之裏承挾之外一寸五分之間而下與前之人腋中者相合下行循合陽穴下貫膚內歷承筋承山飛陽跗陽出外踝後之崑崙僕參申脈金門循京骨束骨通谷至小指外側端之至陰穴以交於足少陰也○合

陽在膝約文中央下三寸承筋在膕膕中央陷中承山在兌
膕膕下分肉間飛陽在外踝上七寸跗陽在外踝上三寸崑
崙在外踝後跟骨上陷中僕參在跟骨下陷中拱足取之申
脈在外踝下陷中容爪甲白肉際金門在足外踝下京骨在
足外側太骨下亦白肉際陷中束骨在足小指外側本節後
陷中通谷在足小指外側本節前陷中至陰在足小指外側
去爪甲角如韭葉

是動則病衝頭痛目似脫項似拔脊痛腰似折髀不可以
曲臍如結臍如裂是爲踝厥是主筋所生病者痔瘻狂癲
疾頭顱頂痛目黃淚出骭齶項背腰尻臍腨脚皆痛小指
不用盛者入迎大再倍於寸口虛者入迎反少於寸口也

足少陰腎經之圖



足少陰腎經穴歌

足少陰二十七穴。涌泉然谷太谿溢大鍾。照海通水泉復溜。
交信築賓連陰谷。橫骨大赫赫氣穴。四浦中注立肓輸商谷。石
關蹲陰都通谷幽門僻步廊。神封靈墟位神藏或中腧府旣。
足少陰腎之經。凡二十七穴左右共五十。四穴是經多氣少血。

腎有兩枚狀如石卵色黑紫當胃下兩旁入脊膂附脊之

第十四椎前後與脅平直

足少陰之脈起於小指之下斜趣足心

趣向也足少陰起小指之下斜向足心之湧泉穴在足心陷中屈足捲指宛宛中

出然谷之下循內踝之後別入跟中上腨內出膕內廉

踝足跟也由湧泉轉出足內踝然谷穴下循內踝後太谿穴別入跟中之太鍾照海水泉乃折自太鍾之外上循內踝行厥陰太陰之後經復瀋交信過三陰交上腨內循築賓出膕內廉抵陰谷也○然谷在足內踝前大骨下陷中太谿在足內踝後跟骨上動脉陷中太鍾在足跟後衝山然海在足內

踝下水泉在太谿下一寸內踝下復澑在足內
勞上二寸動脈陷中交信在足內踝上二寸少陰前太陰後三陰交穴見足太陰足三陰之交會也繫賓在足內踝上腨分中陰谷在腨內輔骨後大筋下小筋上按之應掌屈膝乃得之

上股內後廉貫脊屬腎絡膀胱

由陰谷上股內後廉貫脊會於脊之長強穴還出於前循橫骨太赫氣穴四蒲中注肓俞當肓俞之所臍之左右屬腎下臍下過關元中極而絡膀胱也○長強見督脈足少陰少陽所結會督脈別絡也橫骨在太赫下一寸肓俞下五寸一千金云在陰上橫骨中央曲如却月中央是太赫在氣穴下一寸氣穴在四蒲下一寸四蒲在中注下一寸氣海旁一寸中注在肓俞下一寸肓俞

在商曲下一寸去脣旁五分自橫骨至肓俞攷之資生經去
中行各一寸半關元中極並任脉穴足三陰任脈之會
其直者從腎上貫肝膈入肺中循喉嚨挾舌本

其直行者從肓俞屬腎處上行循商曲石關陰都通谷諸穴
貫肝上循幽門上膈歷步廊入肺中循神封靈墟神藏或中
俞府而上循喉嚨並人迎挾舌本而終也○商曲在石關下
一寸石關在陰都下一寸陰都在通谷下一寸通谷在幽門
下一寸幽門挾巨闕旁各五分商曲至通谷去腹中行各五
分步廊在神封下一寸六分陷中神封在靈墟下一寸六分
陷中靈墟在神藏下一寸六分陷中神藏在或中下一寸六
分陷中或中在俞府下一寸六分陷中俞府在巨骨下璇璣

旁二寸陷中自步廊至或中去胷中行各二寸正側而取之
人迎穴見足陽明經

其支者從肺出絡心注胷中

兩乳間爲胷中支者自神臟別出遶心注胷之膻中以交於手厥陰也

是動則病飢不欲食面黑如地色欬唾則有血喝喝而喘坐而欲起目睭睭如無所見心如懸若飢狀氣不足則善恐心惕惕如人將捕之是謂骨厥是主腎所生病者口熱舌乾咽腫上氣嗌乾及痛煩心心痛黃疽腸澼脊脅股內後癰痛瘻厥嗜卧足下熱而痛盛者寸口大再倍於人迎虛者寸口反小於人迎也

手厥陰心包經之圖



手厥陰心包經穴歌

九穴心包手厥陰天池天泉曲澤深郄門間使內關對大陵

勞宮中衝備

手厥陰心包之經

凡九穴左右共十八穴○是經多血少氣

心包一名手心主以藏象校之在心下橫膜之上堅膜之下與橫膜相粘而黃脂漫裹者心也其漫脂之外有細筋膜如絲與心肺相連者心包也或問手厥陰經曰心主又曰心包絡何也曰君火以名相火以位手厥陰代君火行事以用而言故曰手心主以經而言則曰心包絡一經而干名實相火也

手厥陰之脉起於胷中出屬心包下膈歷絡三焦

手厥陰受足少陰之交起於胷中出屬心包由是下膈歷絡
於三焦之上腕中腕及臍下一寸下焦之分也

其支者循臂出脇下腋三寸上抵腋下下循臑內行太陰少陰
之間入肘中

脇上際爲腋自屬心包上循臂出脇下腋三寸天池穴上行
抵腋下下循臑內之天泉穴以介乎太陰少陰兩經之中間
入肘中之曲澤也○天池在腋下三寸乳後一寸著脰直腋
腋肋間天泉在曲腋下去臂二寸舉臂取之曲澤在肘內廉
下陷中屈肘得之

下臂行兩筋之間入掌中循中指出其端
由肘中下臂行臂兩筋之間循郄門間使內歸之入掌中

勞宮穴循中指出其端之中衝云○鄰門在掌後五寸
間使在掌後三十兩筋間陷中內關在掌後去腕二寸不遠
在掌後兩筋間陷中勞宮在掌中央屈無名指取之資生經
云屈中指以今觀之莫若屈中指無名指兩者之間取之爲
兌中衝在手中指端去爪甲如韭葉陷中

其支別者從掌中循小指次指出其端

小指次指無名指也自小指逆數之則爲次指云支別者自
掌中勞宮穴別行循小指次指出其端而交於手少陽也
是動則病手心熱臂肘礪急腹腫甚則脇脇支滿心中澹
澹大動面赤目黃喜笑不休是主脉所生病者煩心心痛
掌中熱盛者寸口大倍於人迎虛者寸口又小於人迎也

手少陽三焦經之圖



手少陽三焦經穴歌

干十三火手少陽關沖液門中諸旁陽池外關支溝會會崇
三陽四瀆配天井合去清冷淵消滌膚會肩髎偏天髎矢牖
同名全翳風瘻脈顱息角孫通耳門禾髎絲竹空

手少陽三焦之經

凡二十七穴左右共四十
六穴○是經多氣少血

三焦者水穀之道路氣之所終始也上焦在心下下膈在
胃上口其治在膻中直兩乳間陷者中中焦在胃中脘當
脅上四寸不上不下其治在脅旁下焦當膀胱上口其治
在脅下一寸

手少陽之脉起於小指次指之端上出次指之間循手表腕出

臂外兩骨之間上貫肘

臂骨盡處爲腕膿盡處爲肘手少陽起小指次指端關衝穴
上出次指之間歷液門中渚循手表腕之陽池出臂外兩骨
之間循外關支溝會宗三陽絡四瀆乃上貫肘抵天井穴也
○關衝在手小指次指之端去爪甲如韭葉液門在手小指
次指間陷中中渚在手小指次指本節後間陷中陽池在手
表腕上陷中外關在腕後二寸陷中別走手心主支溝在腕
後三寸兩骨間陷中會宗在腕後三寸空中一寸三陽絡在
臂上大陵脉支溝上一寸四瀆在肘前五寸外廉陷中天井
在肘外大骨後上一寸兩筋間陷中屈肘得之甄權云曲肘
後一寸又半按膝頭取之兩筋骨罅

循臑外上肩交出足少陽之後入缺盆交膻中散之心包下膈

偏屬三焦

肩肘之間髀下對腋處爲膕從天井上行循臂膕之外歷清
冷淵消滌行手太陽之裏陽明之外上肩循膕會肩髎天髎
交出足少陽之後過秉風肩井下入缺盆復由足陽明之外
而交會於膻中散布絡繞於心包乃下膈當胃上口以屬上
焦於中脘以屬中焦於陰交以屬下焦也○清涼淵在肘上
二寸伸肘舉臂取之消滌在肩下臂外間腋斜肘分下行膕
會在肩前廉去肩頭三寸肩髎在肩端臑上舉臂取之天髎
在肩缺盆中上肱骨之際陷中秉風見手太陽經手足少陽
手太陽陽明之會肩井見足少陽經手足少陽陽維之會缺
盆足陽明經穴膻中見任脉心包相火用事之分也中脘陰

交見任脉三焦之募任脉所發也

其支者從膻中上出缺盆上項挾耳後直上出耳上角以屈下頰至顙

賸戶後爲項目下爲顙其支者從膻中而上出缺盆之外上項過太椎循天牖上挾耳後經翳風瘞脉顚息直上出耳上角至角孫過懸釐領厭及過陽白睛明屈曲下頰至顙會顚髎之分也○太椎見督脈手足三陽督脈之會天牖在頸太筋外缺盆上天窓後天窓後資生經作天容後天柱前完骨下髮際上懸釐領厭見足少陽經手足陽明少陽之交會也翳風在耳後尖角陷中按之引耳中痛瘻脉在耳本後雞足青脉中顚息在耳後青脉中角孫在耳郭中間上開口有加湯日見足少

陽經手足陽明少陽之會晴明見足太陽經脈見手太陽經手少陽太陽之會也

其支者從耳後入耳中却出至目銳背

此支從耳後翳風穴入耳中過聽宮歷耳門和髎却出至目銳背會瞳子髎循絲竹空而交於足少陽也○聽宮見手太陽經手足少陽手太陽三脉之會耳門在耳前起肉當耳缺中和髎在耳前乳髮下橫動脈瞳子髎見足少陽經手太陽手足少陽之會緣骨空在眉後陷中

是動則病耳聾渾渾焞焞嗌腫喉痺是主氣所生病者汗出目銳背痛頰痛耳後肩臑肘臂外皆痛小指次指不用盛者人迎大二倍於寸口虛者人迎反小於寸口也

足少陽膽經之圖



足少陽膽經穴歌

少陽足經瞳子髎、四十三穴行迢迢、聽會客主額厭集、懸顫
懸釐曲鬢翹、率谷天衝浮白次、竅陰完骨本神企、陽白臨泣
開目窓、正營承靈及腦空、風池肩井淵液長、輒筋日月京門
當帶脉五樞維、道續居髎環跳下、中瀆陽關陽陵復、陽交外
丘光明陽輔高、懸鍾丘墟足臨泣、地五俠谿竅陰畢。

此經頭部自瞳子髎至風池凡二十穴作三折向外而行，
始瞳子髎至完骨是一折又自完骨外折上至陽白會睛
明是一折又自睛明上行循臨泣風池是一折緣其穴曲
折外多離爲斜牽故此作一至二十次第以該之一瞳子
髎二聽會三客主人四頷厭五懸顫六懸釐七曲鬢八率

谷九天衝十浮白十一竅陰十二完骨十三季神十四陽
白十五臨泣十六目窓十七正營十八承靈十九腦空二

十風池

足少陽膽之經

凡四十三穴左右共八十
六穴○是經多氣少血

膽在肝之短葉間重三兩三銖包精升三谷

足少陽之脈起於目銳眥上抵角下耳後

足少陽經起目銳眥之瞳子髎於是循聽會客主人上抵頭
角循額厭下懸顱懸釐由懸釐外循耳上髮際至曲鬢率谷
由率谷外折下耳後循天衝浮白竅陰完骨又自完骨外折
上過角孫循本神過曲差下至陽白會睛明復從睛明上行
循臨泣目窓正營承靈腦空風池云○瞳子髎在目外眥五

分聽會在耳前陷中上關下一寸動脈宛宛中張口得之客
主人在耳前起骨上廉開口有空動脈宛宛中頷厭在曲周
下顎セツツリ一名脣空上廉懸顎在曲周上顎ツリ中懸釐在曲周上顎
顎下廉曲齧在耳上髮際曲隅陷中顎頷有孔率谷在耳上
如前三分入髮際一寸五分陷者宛宛中天衝在耳後髮際
二寸耳上如前三分浮白在耳後入髮際一寸竅陰在完骨
上枕骨下搖動有空完骨在耳後入髮際四分角孫見手少
陽經手足少陽之會本神在曲差旁一寸五分入髮際四分
曲差見足太陽經陽白在眉上一寸直瞳子晴明見足太陽
經手足太陽少陽足陽明五脈之會臨泣在目上直入髮際
五分陷中目窓在臨泣後一寸正營在目窓後一寸承靈在

正營後一寸五分腦空，在承盡後一寸五分挾玉枕骨下陷中風池在顚顫後髮際陷中

循頸行手少陽之前至肩上却交出少陽之後入缺盆

自風池循頸過天牖穴行手少陽脉之前下至肩上循肩井却左右相交出手少陽之後過大椎大杼秉風當秉風前入缺盆之外○天牖見手少陽經肩井在肩上陷中缺盆上大骨前一寸半以三指按取之當中指下陷中者是大椎見督脈手足三陽督脈之會太杼見足太陽經足太陽少陽之會秉風見手太陽經手太陽陽明手足少陽之會缺盆見足陽明經其支者從耳後入耳中出走耳前至目銳背後

其支者從耳後顚顫間過翳風之分入耳中過聰宮出走耳

前復自聽會至目，銳背瞳子髎之分也。○翳風少陽經手足少陽之會聽宮見手太陽經手足少陽太陽三昧之會聽會瞳子髎見前

其支者別目銳背下太迎合手少陽抵於頤下加頰車下頸合缺益下會中貫膈絡肝屬膽

其支者別自目外瞳子髎而下太迎合手少陽於頤當顧髎穴之分下臨頰車下頸循本經之前與前之入缺益者相合下會中天池之外貫膈卽期門之所絡肝下至日月之分屬於膽也。○太迎見足陽明經顧髎頰車手太陽穴天池手心主穴手厥陰足少陽之會期門足厥陰穴日月見下文膽之募也循脇裏出氣衝繞毛際橫入髀厭中

脇肱也腋下爲脇曲骨之分爲毛際毛際兩旁動脈中爲氣衝捷骨之下爲脾厭卽脾樞也自屬膚處循脇內章門之裏出氣衝達毛際遂橫入脾厭中之環跳也○章門足厥陰穴足少陽厥陰之會氣衝足陽明穴環跳在脾樞中

其直者從缺盆下腋循胷過季脇下合脾厭中以下循脾陽出脇外廉

脇骨之下爲季脇此直者從缺盆直下腋循胷歷淵腋輒筋日月穴過季脇循京門帶脉五樞維道居髎由居髎入上髎中髎長強而下與前之入脾厭者相合乃下循脾外行太陽陽明之間歷中瀆陽關出脇外廉抵陽陵泉也○淵腋在腋下三寸宛宛中舉臂取之輒筋在腋下三寸腹前行一寸著

脇陷中日月，在期門下五分。京門，在監骨下腰中，挾脊季肋，本帶脈，在季肋下一寸八分。五樞，在帶脈下三寸。維道，在章門下五寸三分。脣醪，在章門下八寸三分。監骨，上陷中，上醪中醪並見足太陽經上醪爲足少陽太陽之絡。中醪則足少陰少陽所結之會也。長強，見督脉足少陰少陽所結之會中瀆，在醪脊外膝上五寸分肉間陷中。陽關，在陽陵泉上三寸，續鼻外陷中。陽陵泉，在膝下一寸外廉陷中。

下外輔骨之前直下抵絕骨之端，下出外踝之前循足跗上入小指次指之間。

跗外爲輔骨，外踝以上爲絕骨，足面爲跗。自陽陵泉下外輔骨前歷陽交外丘光明直下抵絕骨之端循陽輔懸鍾而下。

出外踝之前至丘墟循足面之臨泣地五會俠谿乃上入小指次指之間至竅陰而終也○陽交在足外踝上七寸斜屬三陽分肉之間外丘在足外踝上七寸光明在足外踝上五寸陽輔在足外踝上四寸輔骨前絕骨端如前三分去丘墟七寸懸鍾在足外踝上三寸動脈中丘墟在足外踝下如前去臨泣三寸臨泣在足小指次指本節後陷中去俠谿一寸半地五會在足小指次指本節後陷中俠谿在足小指次指歧骨間本節前陷中竅陰在足小指次指端去爪甲如韭葉其支者別跗上入大指之間循大指歧骨內出其端還貫入爪

甲出三毛

足大指本節後爲歧骨大指爪甲後爲三毛其支者自足跗

上臨泣穴別行入太指循歧骨內出大指端還貫入爪甲出
三毛交於足厥陰也

是動則病口苦善太息心脇痛不能轉側甚則面有微瘡
體無膏澤足外反熱是爲陽厥是主骨所生病者頭角頭
痛目銳皆痛缺盆中腫痛腋下壅馬力挾癰汗出振寒瘈
胷脇肋髀膝外至脰絕骨外踝前及諸節皆痛小指次指
不用盛者人迎大一倍於寸口虛者人迎反小於寸口也

廣韻力嘲切深空之貌卽穴隙之謂也江西席橫家鍼灸
書中諸髎字皆作竅豈髎竅聲相近而然今悉擬改定
雖然所改有不盡者亦不必苦求之也

竅

足厥陰肝經之圖

期門

章門



足厥陰肝經穴歌

足厥陰十三穴起太敦行間接太冲中封注蠡溝中都膝關
曲泉收陰包走五里陰廉章門期門啓

足厥陰肝之經

凡十二穴左右共二十
六穴○是經多血少氣

肝之爲藏左三葉右四葉凡七葉其治在左其藏在右脇

右腎之前並胃著脊之第九椎

足厥陰之脉起於太指聚毛之上循足跗上廉去內踝一寸
足太指爪甲後爲三毛三毛後橫丈爲聚毛去相去也足厥
陰起於大指聚毛之太敦穴循足跗上廉歷行間太衝抵內
踝一寸之中封也○太敦在足太指端去爪甲如韭葉及三
毛中行間在足太指間動脈應手太衝在足太指本節後二
寸或云一寸半動脈陷中中封在足內踝前一寸陷中仰而取之
上踝八寸交出太陰之後上膕內廉

自中封上踝過三陰交歷蠡溝中都復上一寸交出太陰之

後上膕內廉至膝關曲泉。○三陰交見足太陰經足少陰太
陰厥陰之交會也。蠡溝在內踝上五寸中都，在內踝上七寸
筋骨中膝關在犢鼻下二寸陷中曲泉在膝內輔骨下太筋
上小筋下陷中屈膝得之在膝橫文頭是

循股入陰中環陰器抵小腹挾胃屬肝絡膽

脾內爲股脣下爲小腹由曲泉上行循股內之陰包五里陰
廉遂當衝門府舍之分入陰毛中左右相交環遠陰器抵小
腹而上會曲骨中極關元復循章門至期門之所挾胃屬肝
下日月之分絡於膽也。○陰包在膝上四寸股內廉兩筋間
五寸在氣衝下二寸陰股中動脈陰廉在羊矢下去氣衝二
寸動脈中衝門府舍見足太陰曲骨見任脉足厥陰任脉之

會中極關元見任脉足三陰任脈之會也章門在大橫外直
脣季肋端側卧屈上足伸下足舉臂取之期門直兩乳第二
肋端肝之募也日月見足少陽經

上貫膈布腸肋循喉嚨之後上入頑頬連目系上出額與督脉
會於顛

目內連深處爲目系頑頬咽頬也自期門上貫膈行食竇之外太包之裏散布腸肋上雲門淵液之間入迎之外循喉嚨之後上入頑頬行太迎地倉四白陽白之外連目系上出額行臨泣之裏與督脉相會於顛頂之百會也○食竇太包足太陰經穴雲門手太陰經穴淵液足少陽經穴人迎大迎地倉四白見足陽明陽白臨泣見足少陽百會見督脉

其支者從目系下頰裏環唇內

前此連目系上出額此支從目系下行任脉之外本經之裏
下頰裏交環於口唇之內

其支者復從肝別貫膈上注肺

此交經之支從期門屬肝處別貫膈行食竇之外本經之
裏上注肺中下行至中焦挾中脘之分以交於手太陰也

是動則病腰痛不可以俛仰丈夫癩疝婦人小腹腫甚則

嗌乾面塵脫色是主肝所生病者脅滿嘔逆洞泄狐疝遺

溺癃閉盛者寸口大一倍於人迎虛者寸口反小於人迎

也○凡此十二經之病盛則渴之虛則補之熱則疾之寒

則留之陷下則灸之不盛不虛以經取之

督脈之圖



督脈經穴歌

督脈背中行二十七穴始長強腰瞞陽關命門當懸樞脊中走筋縮至陽靈臺神道長身柱陶道太推俞瘻門風府連腦戶強間後頑百會前前頑頸曾上星圓神庭素髎水溝裏穴端斷交斯已矣

督脈

凡二十
七穴

督之爲言都也行背部之中行爲陽脉之都綱竒經八脈之一也

督脈者起於下極之腧

下極之腧兩陰之間屏翳處也屏翳兩筋閒爲募募內深處爲下極督脈之所始也


並於脊裏上至風府入腦上顙循額至鼻柱屬陽脉之海也

脊之爲骨凡二十一椎通項骨三椎共二十四椎自屏翳而起歷長強穴並脊裏而上行循腰腧陽關命門懸樞脊中筋縮至陽靈臺神道身柱過風門循陶道大椎瘻門至風府入腦循腦戶強間後頃上顙至百會前頃顚會上星神庭循額至鼻柱經素髎水溝兌端至齦交而終焉云陽脉之海者以人之脉絡周流於諸陽之分譬猶水也而督脈則爲之都綱故曰陽脉之海○屏翳見任脉任脉別絡挾督脈衝脉之會長強在脊鰓端腰俞在第二十一椎節下間陽關在第十六椎節下間命門在第十四椎節下間懸樞在第十三椎節下間脊中在第十一椎節下間筋縮在第九椎節下間至陽在

第七椎節下間靈臺在第六椎節下間神道在第五椎節下
間身柱在第三椎節下間風門見足太陽乃督脈足太陽之
會陶道在大椎節下間陷中自陽關至此諸穴並挽而取之
大椎在第一椎上陷中症門在風府後入髮際五分風府在
項入髮際一寸腦戶在枕骨上強間後一寸五分強間在後
頑後一寸五分後頑在百會後一寸五分百會一名三陽五會在前
頑後一寸五分頑中央旋毛中直兩耳尖可容豆前頑在顙
會後一寸五分陷中顙會在上星後一寸陷中上星在神庭
後入髮際一寸陷中容豆神庭直鼻上入髮際五分素髎在
鼻柱上端水溝在鼻柱下人中兌端在唇上端斷交在唇內

齒上斷縫中

任脉之圖



任脈經穴歌

任脈分三八，起於會陰上。
曲骨中極關元到，石門氣海陰交。
神闕立，水分下。腕循建里中，腕上腕巨闕。
起鴻尾中庭膻中，慕玉堂紫宮樹。
華蓋璇璣天突，廉泉清上顧還以承聚承。

任脈

凡二十
四穴

任之爲言姪也，行腹部中行爲婦人生養之本奇經之一

也

任脈者，起於中極之下，以上毛際，循腹裏，上關元至喉嚨屬陰脈，之海也。


任與督一源而二歧，督則由會陰而行背，任則由會陰而行腹。夫人身之有任督猶天地之有子午也。人身之任督以腹

背言天地之子午以南北言可以分可以合者也分之於以見陰陽之不雜合之於以見渾淪之無間一而二二而一者也任脉起於中極之下會陰之分也由是循曲骨上毛際至中極行腹裏上循關元石門氣海陰交神闕水分下腕建里中腕上腕巨闕鳩尾中庭膻中玉堂紫宮華蓋璇璣天突廉泉上順循承漿環唇上至斷交分行繫兩目下之中央會承泣而終也云陰脉之海者亦以人之脉絡周流於諸陰之分譬猶水也而任脉則爲之摠任焉故曰陰脉之海○會陰一名屏翳在兩陰間曲骨在橫骨上毛際陷中動脈應手中極在關元下一寸關元在臍下三寸石門在臍下二寸氣海在臍下一寸五分陰交在臍下一寸神闕當臍中水分在下腕

下一寸上臍一寸下腕在建里下一寸建里在中腕下一寸
中腕在上腕下一寸靈樞經云鶻肝卽歧以下至天樞足太陽
明經穴扶臍二十寸
蓋與臍平直也長八寸而中腕居中是也然人胃有大小
亦不可拘以身寸但自鶻肝至臍中以八寸爲度各依部分
取之上腕在巨闕下一寸當一寸五分去蔽骨三寸巨闕在
鳩尾下一寸鳩尾在蔽骨之端言其骨垂下如鳩形故以爲
名臆前蔽骨下五分也人無蔽骨者從歧骨際下行一寸中
庭在臆中下一寸六分膻中在玉堂下一寸六分兩乳間玉
堂在紫宮下一寸六分紫宮在華蓋下一寸六分華蓋在璇
璣下一寸資生經璇璣在天突下一寸陷中天突在頸結喉
下一寸宛宛中廉泉在頤下結喉上舌本陰經任脈之會仰

而取之承漿，在唇下陷中。任脈足陽明之會斷交，見督脈任督二脉之會承泣，見足陽明蹻脈任脈足陽明之會也。○按任督二脉之直行者爲腹背中行諸穴所系分特取之以附十二經之後，如骨空論所載者茲不與焉。其餘如衝帶維蹻所經之穴寔則寄會於諸經之間，尙誠難與任督二脉之灼然行腹背者比。故此得以略之。雖然因略以致詳亦不害於兼取也。故其八脈全篇仍別出於左方云，右十四經正文並與金蘭循經同。

十四經發揮卷中終



十四經發揮卷下

奇經八脈篇

脉有奇常十二經者常脉也奇經八脉則不拘於常故謂之奇經蓋以人之氣血常行於十二經脉其諸經滿溢則流入奇經焉奇經有八脉督脉督於後任脉任於前衝脉爲諸脉之海陽維則維絡諸陽陰維則維絡諸陰陰陽自相維持則諸經常調維脉之外有帶脉者束之猶帶也至於兩足蹻脉有陰有陽陽蹻行諸太陽之別陰蹻本諸少陰之別蹻猶聖人圖設溝渠以備水流斯無濫溢之患人有奇經亦若是也今總集奇經八脉所發者氣穴處所共成一篇附之發揮之後以備通攻云

督脉

督脈者起於小腹以下骨中央女子以繫廷孔之端其絡循陰器合篡間繞篡後別繞脅至少陰與巨陽中絡者合少陰上腹內後廉貫脊屬腎與太陽起目內眞上額交顴上入絡腦還出別下項循肩膊內挾脊抵腰中入循膂絡腎其男子循莖下至篡與女子等其少腹直上者貫脰中央上貫心入喉上顧環唇上系兩目之中此生病從少腹上衝心而痛不得前後爲衝疝其女子不孕癰痔遺溺嗌乾治在督脈○督脈之別名曰長強依脅上項散上頭下當肩胛左右別走太陽入貫膂實則脊強虛則頭重取之所別故難經曰督脈者起於下極之腧並於脊裏上至風府入屬於腦上顱循額至鼻柱屬陽脉之海也此爲病令人脊強反折○督脈從頭循

脊骨入骶長四尺五寸凡二十七穴

穴見前

按內經督脈所發者二十八穴據法十椎下一大穴名中樞陰尾骨兩傍二穴名長強共二十九穴今多斷交一穴少中樞一穴會陽二穴則係督脈別絡與少陽會故止載二十七穴

穴已見前

任脉

任脉者與衝脈皆起於胞中循脊裏爲經絡之海其浮而外者循腹上行會於咽喉別而絡唇口血氣盛則肌肉熱血獨盛則滲灌皮膚生毫毛婦人有餘於氣不足於血以其月事數下任衝並傷故也任衝之交脉不營其口唇故髭鬚不生是以任脉爲病男子內結七疝女子帶下瘕聚故難經曰任

脈起於中極之下，以上毛際循腹裏上關元至咽喉上顧循
面入目屬陰脈之海。○凡此任脈之行從胞中上注目長四
尺五寸，總二十四穴。穴見前

按內經云，任脈所發者二十八穴，經闕一穴，實有二十七
穴內斷交，一穴屬督脈承泣，二穴屬足陽明蹻脉，故止載
二十四穴。穴已見前

陽蹻脈

陽蹻脈者，起於跟中，循外踝上行，入風池，其爲病也，令人陰
緩，而陽急兩足，蹻脈本太陽之別，合於太陽，其氣上行氣并
相還，則爲濡，目氣不營，則目不合，男子數其陽，女子數其陰
當數者，爲經，不當數者，爲絡，也，蹻脈長八尺，所發之穴生於

申脉

外踝下屬足太陽經

以輔陽爲郄

外踝上屬於僕參

跟骨與足少陰

會於居髎

章門下

又與手陽明會於肩髃及巨骨

並在肩端

又與手

足太陽陽維會于肺俞

在肩窩後

與手足陽明會于地倉

口吻

兩旁又與手足陽明會于巨髎

鼻旁上廉

又與任脈足陽明會于承

泣目下七分以上爲陽蹻脉之所發凡二十穴陽蹻脉病者宜刺之

陰蹻脉

陰蹻脉者亦起於跟中循內踝上行至咽喉交貫衝脉此爲病者令人陽緩而陰急故曰蹻脉者少陰之別別於然谷之後上內踝之上直上循陰股入陰上循脅裏入缺盆上出人迎之前入鼻屬目內眞合於太陽女子以之爲經男子以之爲絡兩足蹻脉長八尺而陰蹻之郄在交信

內踝上二寸

陰蹻脉

病者取此

衝脉

衝脉者與任脈皆起於胞中上循脊裏爲經絡之海其浮於外者循腹上行會於咽喉別而絡唇口故曰衝脉者起於氣衝並足少陰之經俠脣上行至胷中而散此爲病令人逆氣裏急難經則曰並足陽明之經以穴致之足陽明俠脣左右各二寸而上行足少陰俠脣左右各五分而上行針經所載衝脉與督脉同起於會陰其在腹也行乎幽門通谷陰都石關商曲育俞中注四滿氣穴太赫橫骨凡二十二穴皆足少陰之分也然則曰脉並足少陰之經明矣

陽維脉

陽維，維於陽，其脈起於諸陽之會，與陰維皆維絡於身。若陽不能維于陽，則溶溶不能自收持，其脈氣所發別于金門。在外踝下大筋

外踝之部

以陽交爲郄

在外踝上七寸

與手足太陽及蹻脉會于臑

在缺盆上

俞

肩後胛上廉

與手足少陽會于天髎

在缺盆上

又會于肩井

肩上

其在頭也與足少陽會于陽白

在肩上

上于本神及臨泣上至正營

循于腦空下至風池其與督脈會則在風府及瘡門難經云

陽維爲病苦寒熱

此陽維脈氣所發凡二十四穴

陰維脉

陰維，維于陰，其脈起於諸陰之交，若陰不能維于陰，則悵然失志，其脈氣所發者，陰維之郄，名曰築賓。見足少陰與足太陰會于腹，袁太橫又與足太陰厥陰會于府舍，期門與任脉會于

天突廉泉難經云陰維爲病苦心痛此陰維脈氣所發凡

十二穴

帶脉

帶脉者起於季脇回身一周其爲病也腰腹縱容如囊水之狀其脈氣所發在季脇下一寸八分正名帶脉以其回身一周如帶也又與足少陽會于維道此帶脉所發凡四穴以上雜取素問難經甲乙經聖濟捲錄中參合爲篇

十四經發揮卷下終

享保元丙申年季秋

湏原屋平助刊行

萩原用

四

和

4064488

